

REGULAMENTO EXPOSICIÓN FILATÉLICA XXIX EXFIGALICIA – XACOBEO 2021

Artigo 1.- A XXIX Exposición filatélica EXFIGALICIA - XACOBEO 2021, Campionato Galego de filatelia, celebrarase no Liceo de Ourense do 20 ao 26 de setembro de 2021.

Artigo 2.- A Exposición está organizada pola **Sociedade Filatélica, Numismática e Viltolfílica Miño** de Ourense e patrocinada pola FEGASOFI, FESOFI, Sociedade Estatal de Correos e Telégrafos e Excmo. Deputación de Ourense.

Artigo 3.- A Exposición terá carácter competitivo e rexerese polos Regulamentos de FESOFI, FEGASOFI e o particular da exposición. Poderán concorrer a ela coleccionistas das sociedades pertencentes á FEGASOFI, UFINOR e FECLESOFI segundo o protocolo de colaboración asinado entre as entidades.

Se debido á pandemia provocada pola COVID -19 , non se puidera realizar a exposición presencial, faríase de xeito virtual.

Artigo 4.- As coleccións serán clasificadas nas seguintes clases e grupos:

CLASE I: SALÓN DE HONOR – CLASE MAESTRA

Participarán aquelas coleccións que foran premiadas con seis Medallas de Ouro en anteriores EXFIGALICIA, e terán carácter competitivo entre elas.

CLASE II: COMPETICIÓN

Destinadas ás restantes participacións. Estará dividida nos seguintes grupos e seccións:

Grupo 1: Filatelia Tradicional

Sección 1ª: España (incluídas antigas dependencias postais)

Sección 2ª: Portugal (incluídas ex - colonias)

Sección 3ª: Resto do mundo

Grupo 2: Historia Postal

Grupo 3: Filatelia temática

Grupo 4: Aerofilatelia e astrofilatelia

Grupo 5: Enteiros Postais

Grupo 6: Maximofilia

Grupo 7: Filatelia Fiscal

Grupo 8: Xuvenil

Grupo 9: Filatelia Aberta

Grupo 10: Filatelia Moderna

Grupo 11: Literatura Filatélica

Artigo 5.- O Xurado cualificador estará formado por membros do Corpo de Xurados de FEGASOFI, UFINOR e FECLESOFI nomeados por estas entidades, de acordo co establecido nos convenios vixentes.

Para avaliar as coleccións, o Xurado utilizará os criterios que establecen os Regulamentos de FESOFI e FEGASOFI e as correspondentes Medallas serán outorgadas de acordo co baremo de categoría Rexional.

Artigo 6.- De acordo coas valoracións e cualificacións outorgadas polo Xurado cualificador, concederanse as seguintes distincións:

GRAN PREMIO DE HONOR: concederase á colección de Clase I con maior puntuación.

GRAN PREMIO DA EXPOSICIÓN: concederase á colección que obteña a maior puntuación da Clase II.

Medalla de Ouro

Medalla de Vermeil

Medalla de Prata

Medalla de Bronce Prateado

Medalla de Bronce

Diploma

Todos os participantes recibirán Diplomas acreditativos das Medallas, de acordo coas puntuacións concedidas polo Xurado, e un agasallo de recordo da Exposición.

Artigo 7.- O Xurado poderá mudar dun Grupo a outro, calquera colección que, ó seu xuízo, non estea correctamente clasificada.

As súas decisións serán adoptadas por maioría e o seu fallo é inapelable. No caso de empate, o Presidente terá voto de calidade.

Artigo 8.- Os dereitos de inscrición serán de 8 € por cadro solicitado con capacidade para 16 follas tamaño DIN A4, agás as coleccións dun cadro ás que lle corresponden 12 €.

Os do Grupo 11 da Clase II satisfarán os dereitos de 15 € e deberán enviar o material por duplicado que quedará en posesión da organización. A participación no Grupo 8 da Clase II será gratuíta.

Por motivos de espazo, cada participante poderá presentar **só unha colección, agás as de Literatura; das coleccións de 8 cadros, expóranse e pagáranse cinco**, aínda que o Xurado cualificará os oito.

Se a exposición tivese que ser virtual a causa da pandemia, as inscricións serían todas gratuítas.

Artigo 9.- Os expositores poderán solicitar a participación enviando a inscrición provisional ao seguinte enderezo:

Sociedade Filatélica, Numismática e Vitolfílica Miño - Apartado 328 - 32080 Ourense

ou por correo electrónico a : sociedadourense@gmail.com

O prazo de admisión remata o **1 de agosto de 2021**.

Artigo 10.- A cada expositor comunicáraselle a admisión ou rexeitamento da súa participación, segundo cada caso, antes do día 15 de agosto de 2021. O importe definitivo será enviado antes do 1 de setembro de 2021.

Artigo 11.- As coleccións admitidas serán enviadas antes do día **15 de setembro de 2021** por conta do expositor a o enderezo sinalado no artigo 9. Tamén enviarán a **colección dixitalizada** nun só arquivo en formato PDF en previsión de que non se puidese levar a cabo de forma presencial.

Artigo 12.- As coleccións serán devoltas aos expositores por conta da organización pola mesma vía pola que foron recibidas.

Artigo 13.- Os expositores poderán asegurar as coleccións pola súa conta con seguro de transporte, ida e volta. Non obstante a organización de EXFIGALICIA 2021, durante o tempo da exposición, asegurará as coleccións contra riscos propios de manipulación e exhibición.

Artigo 14.- A Comisión Organizadora declina expresamente toda responsabilidade sobre suposto dano, deterioro ou extravío, total ou parcial, na sede da exposición, así como durante a manipulación do envío, aínda que serán tomadas as medidas necesarias para unha axeitada vixilancia e coidado do material exposto.

Artigo 15.- Calquera caso de dúbida ou conflito que poida presentarse, será resolto amistosamente entre as partes, se ben, a efectos de calquera desacordo ou disputa que non poida ser resolta, serán competentes os tribunais de Ourense. O expositor, polo feito de asinar o Boletín de inscrición, rexeita o seu Foro Territorial.

Artigo 16.- Ningún expositor poderá retirar á súa colección, unha vez aceptada, mentres dure a exposición, baixo ningún pretexto.

Artigo 17.- Todo expositor, coa súa sinatura no formulario de inscrición, acepta o Regulamento, e as normas que dite a Comisión Organizadora.

Artigo 18.- Toda correspondencia relacionada coa exposición dirixirase a :

Sociedade Filatélica, Numismática e Vitolfílica Miño

Apartado 328 - 32080 Ourense

sociedadourense@gmail.com



A Comisión Organizadora